



稽留山人集目錄

第十六卷

敝帚集

詩六十二首

己酉元日同子開賦 四日立春祝賡廡少司空初

度

盆中水僊綠萼梅始放借子開振音翺羽飲酒
和子開五絕句 八日置酒飲子開振音翺羽

作

上元前四日柯斤初都諫招飲 送子開先生

復之遼左 漢陽吳禹石先生輓章 贈關中玉山

史太學 振音將移帑南行余既失所栖托彭橫山

給諫邀余設館敬哉先生亦以一廬借居意未決有

述 上已芝麓先生招集慈仁松下 初夏敬哉先

生招集豐臺別業看花有賦即呈胥庭先生 詠瓶

中芍藥 送葦庵上人南旋 送查王望都諫旋里

贈彭汝翼太學 瓶蘭 八月與振音兄弟別

燕邸僦居有述 擇里五首卽示彙嘉子可 寄張

螺浮 謝姚長亨惠墨時將歸里附訊程大奕先

禹航孫海門先生六袞連舉四雄寄賀 邵天自巖

予正罷試同舟歸里有贈 獨旅 己酉九日龔大

宗伯黑窰厰登高卽席次韻 送包樞臣出守岳州

黃燮侯儀部寓齋雅集 許道潤進士寓齋泥飲

龔升璐招飲座有紀伯紫黃原虛令姪彥吉卽次

前一日彥吉壽升璐元韻 與同人飲伯紫先醉告

歸詩以嘲之 除夕述懷卽簡謝趙爾合彭橫山張

俊升諸黃門熊蔚懷何蕤音家泰巖諸侍御

稽留山人集第一六卷

己酉

詩六十二首

武水陳祚明肩倩氏著

己酉元日同子用賦

紀曆悠悠又八春
敝裘還自受風塵
辭家荏苒移殘臘
得歲飛揚鬪健身
宮闕祥雲天上曉
江湖華髮客中人
更須取醉呼春酒
偶聚同宜樂此辰

四日立春祝賡菴少司空初度

東郊木德兆年豐
今日傳觴頌上公
柄指孟陬移北斗
度纏營室象司空
從繩風雨安
皇極曳履星辰護
紫宮爲壽正宜今日酒
青陽暎律九州同

盆中水仙綠萼梅始放偕子淵振音翮羽飲酒和子
淵五絕句

盆花競發敵嚴寒春色那從此地看出葉孤莖生態迴舍
苞密藥釀香難

其二

碧葉齊栽翠帶舒洛川僊子步凌虛燈前朵朵低垂影飛
燕輕盈亦不如

其三

共比僊人萼綠華丰神原出上清家遠山漠漠蛾眉歛江
上孤根薊北花

其四

西子湖頭綠水烟西溪林下早春天黃橙白筍餘杭酒夜
夜看花藉草眠

其五

狹邪邸第暗黃雲遷客關山笛裏聞此夕花前同把酒天
長水濶畏離羣

人日置酒飲子淵振音翮羽作

客裏經年人送日春來令節日占人但能有酒堪行樂况
復開花又值春一任陰晴飄暮雪聊爲主客趁芳辰如泥
莫厭青樽數似雪驚看白髮新

上元前四日柯斥初都諫招飲

紫垣淑氣散鵷班朱邸名臣諷議閒高會良辰邀夜飲直
辭長日霽天顏聲調急管金鏡脆光射華燈蠟炬殷珠
履一堂歌旣醉陽和喜傍五雲間

送子開先生復之遼左

頭白重逢樂有餘君來羸馬駕柴車客中爲下陳徐榻塞
外難傳蘇李書異國年華驅晚莫腐儒生計耐蕭疎一罇
酒對梅花飲歲盡離愁併暫除

其二

文苑知名海內傳後生裘馬盡翩翩劉蕢老去名初達賈

誼時違客是遷白雉青雲思往日黃羊蘆酒送殘年故鄉
唳鶴如重聽華表妻清夜月天

其三

尚書門第拂雲開四世傳經未易才衰鳳迷陽隨斷梗群
龍零落化寒灰烏裘寧向長安敝皂帽難從遼海回北郭
蕭條松栢路十年風雨暗蒿萊

先生曾祖大宗伯文
定公墓在華亭北郊

其四

萬里投荒絕塞氓遼東築室事巖耕長隨愛妾甘操作久
別嬌兒昧死生肘後探方隨手愈膝前學語並肩行飄零
莫問人間世跳入壺中喜避名

其五

甕向燕中問故人悲歌擊筑共沾巾
亂餘無盡西洲淚到日聊克北海賓
歸夢烟波思笠澤赦書雨露望
楓宸短衣匹馬關山道
矍鑠憐君有健身

其六

天涯聚首一盤桓此日同歌行路難
游說自嗟顏觸老相逢且念范睢寒
醉來詩句燈前和別後容輝夢裏看
攜手河梁重悵望臨岐只有勸加餐

漢陽吳禹石先生輓章

阿閣營經始滄江訃考終見星歸已後
愛日慕何窮黃綺

名元大松喬壽不同椎心疎子職
鞅掌奪臣忠

其二

耆舊元襄漢高風仰鹿門書云惟孝友
隱矣事田園數德煩更僕貽謀啓後昆
冬官遙濺淚空外濕雲昏

其三

未得龍門入虛勞幸舍親蒯緱依稷下
桂棹隔花津字後元亭問書求白練
真縱攜磨鏡具不及採珠人

其四

論文師吐鳳問禮失猶龍雪涕雲中澤
愁心江上峰真憐無靜樹何處愛深松
遙想霜笳發還餘紫氣重

贈關中王山史太學

可憐零落三秦友

韓九

詩云亡劉八

漢客

貧此日夫君初識

面莫言大國更無人徧游五嶽圖經熟能讀三墳古蹟真
朱邸於今爲上客麻鞋一飯共沾巾

振音將移帑南行余旣失所棲托彭橫山給諫邀余

設館敬哉先生亦以一廛借居意未決有述

客裏身難著飄搖次屢遷重來淹七載不定是今年無舍
留彈鋏何人肯授塵柴車堪止宿九陌傍人烟

其二

我友朱門舊留賓白屋清爨烟晨互發帷燭夜爭明粹爲

奔喪去應須盡室行窮途棄阮籍不薄故人情

其三

何意黃門客期予絳帳開一枝窮鳥集八簋食魚來下榻
狂難久譚經老不才逢迎傾蓋日欲往且遲迴

其四

宗伯貧交意司空濟美家小齋鄰第側狹巷闢門斜僦直
容相貸幽居况不譁來觀行繞砌無隙任栽花

其五

亦自憎疎放居然合困窮詎宜來稷下盍不避墻東僻性
終須適和光恥未同道傍空躑躅天末一飛蓬

上己芝麓先生招集慈仁松下

不因折簡尚書名忘却芳辰上己時此日松間同把酒何
如柳下獨吟詩青雲客至交相敬白雪歌成競不遲衰髻
逢春虛度禊羽觴行到詎能辭

初夏敬哉先生招集豐臺別業看花有賦即呈胥庭

先生

清和是處薜蘿綠翠圍無邊芍藥紅自喜行園先衆客悠
然倚檻面薰風白頭四眼花爭笑珠履群來酒不空別墅
從容陪謝傅能調美膳有司空

詠瓶中芍藥

瓶花橫發春光費百瓣交攢剪綵紅合沓淺深宜間出參
差向避恥雷同夢回筆架花爭吐坐久繩牀色本空歸興
却思河上宅風翻堦下有多叢

送葦菴上人南旋

上人楚人淨慈豁堂禪尚首座向
以祖母闕於奉養千里馳歸喪葬
如禮和尚緣事入獄相隨因囑給侍不避
勞苦茲因常住乏食入燕乞施得金而歸

慘淡思王母艱危事本師普門修篤行儒理喻良知一錫
凌空易三乘演法遲何時任廬阜蓮社許追隨

其二

瓢笠來燕薊齋糧寄越吳乞令僧飯給歸卷法雲孤是事
逢人默徵心到處無臨岐道珍重何句覺狂夫

送查王望都諫旋里

夕郎請急念松楸觸熱還登青翰舟太息封章多未上行
營高敞亟須謀三年下榻頻相過五月開帆不可留莫戀
滄江鱸膾美篋中諫草待重投

贈彭汝翼太學

故方伯禹
峰公子

禹峰先生蓋代人大名宇宙無比倫驅車是處安民物搖
筆由來泣鬼神功名過眼何足數意氣掇皮無不真海內
知名盡僑盼生平好友多雷陳我思其人不得見蒼蒼天
上瞻星辰餘慶淒涼有才子褐衣壯歲還沉淪瘠丘荒田
已蕪穢洛陽少年未致身萬卷讀書要領得千首吟詩體

製新休學劉滄與許渾郇後靡靡氣不振興酣輒似杜工
部格律細密風調淳邇時作者性情薄翡翠片羽蘭苕春
老來青眼見吾子巨鼇力掣黃金鱗長河大江舟一葉溟
池百粵車雙輪龍門游攬足跡徧失意觀光上國賓西雝
已落諸生後北闕空看選士辰席上奇珍照十乘旅中破
甌生秋塵丈夫晚遇休感慨志士不應羞賤貧爲君長歌
歌負薪五交雜選華堂客若箇能沾羊舌巾

瓶蘭

燕市能開閩海花折枝翠色映窓紗日長細細香無已風
裊依依影故斜入室差池懷臭味出山荏苒負烟霞楚詞

自古悲君子零落逢秋莫怨嗟

八月與振音兄弟別

踟躕不能已戀別多結轡恬波戢游鱗茂樹懷倦翼投分
得所依含情娛燕息久要日已固聊樂不言德分乖自茲
始銜感何終極君歸乃纏哀我留遂孤特方悲羈旅心復
念征行亟啓處不相知遼遼限南北

其二

離離幽谷蘿鬱鬱岡上松將蘿藝松根繚紹經霜風結交
十餘年寸心靡不同既翁如弟昆有初保厚終離別遵定
命揮手不相從豈無夢寐接亦有音書通雙星跂河漢黯

黯分西東

其三

執手無一言離思攪衷腸爲歡故非恒述之安能詳魂魄
去我身先子赴川梁人生各懷土念當還故鄉過存庶不
遠斗酒相攜將不逐利與名閒閒隴畝傍茲樂倘有時百
年以爲常行止非預期臨岐徒惻傷

其四

如何復如何惻勞隨日積未別已吞聲何以送晨夕安得
如草木不知今與昔人生寄大塊歲往本如客何必懷匹
儔浩然任所適子高恥鹿豕斯言心實獲自非纏綿意安

用理解格長擡辭高齋抱恨入新宅

燕邸僦居有述

在宣武門南大道菜市迤西

爲客頻遷次無依始僦居虛攜三尺劍亦有一車書近市魚堪買投林鳥不如雙扉容自閉不是子雲廬

其二

多謝王宗伯虛勞彭拾遺下帷違屢召假館負前期僻性宜孤往殊恩恥博施賣文償僦值莫問買山貲

其三

客裏爲家室平生厭市塵如何棲廣陌不擬駐高軒長物牀餘席齋時爨有烟一瓢非陋巷不及古人賢

其四

何意留燕邸猶如倚市門定須開藥肆只少種瓜園屠狗誰堪愛乘驄莫枉存呼童頻掃舍或便理歸轅

擇里五首卽示彙嘉子可

擇里偏鄰市分塵亦有堂稍深安丈室習靜偃匡牀散帙時盈几栽花更繞墻此中堪避世不怨滯他鄉

其二

豈不思歸隱艱難謀食心身須留輦轂迹本異山林歌苦羞彈缺文成可換金九衢門外路長者轍能深

其三

葛龔工作奏匡鼎更譚經簾下湘筠翠階披帶草青迢迢
元亮宅處處子雲亭載酒如相訪從來笑獨醒

其四

百年能幾日四海孰爲家天運今如此吾生自有涯繁星
三市火濃霧六街沙醉眼模糊看何如谷口霞

其五

中秋風月好勝賞友朋過莫謾愁沽酒誰能一和歌晨炊
明日事秋興此宵多骨肉天邊影暗饑奈爾何

寄張螺浮

滄江稅駕人如玉邸舍開書氣若蘭三歲風前來鴈字五

湖物外戀漁竿 朝廷居正春秋重林壑投閒歲月寬商
洛衡廬無獨往蒼生望眼不勝看

謝姚長亨惠墨時將歸里附訊程大奕先

學書不及虞永興用墨欲得李易水綠窓澹瀆上朝曦端
溪小研凝烟紫君攜錦囊出雙丸君房舊搗青琅玕酒酣
伸紙宵燭朗睡起點筆秋水寒夢花不私作賦用書蕉遂
許分清供媿我嬾慢無一成多君用意能殊衆却送將歸
情黯然題詩惜別潞河烟憑君寄語程夫子自寫新詞幾
百篇

禹航孫海門先生六袞連舉四雄寄賀

憶昔酒歌元亮宅醉餘摩頂識麟兒別來頤指稱觴日復
喜神光入室時學語之無爭指點上肩左右互攜持掌中
積疊誇聯璧髯裏飄蕭任有絲

邵天自嚴予正罷試同舟歸里有贈

傳經未遇嗟嚴子挾策虛歸與邵郎船裏載愁辭 北關
罇前撥悶起東牀邵爲嚴子姊婿揣摩更發陰符讀什襲無悲白
璧藏鑑閣嚴氏書室也三秋明月夜桂叢苒苒舊條長

獨旅

獨旅靜無依高秋但掩扉攤書燈下讀欹枕夢中歸向夕
窺殘酒初寒檢敝衣天街新雨後過客未全稀

己酉九日龔大宗伯黑窰厰登高卽席次韻

一歲佳辰醉幾場登高莫遣負飛觴青山不掩秋雲薄黃
菊徐開晚節香片月初生今雨後群公但坐午更長酒酣
搖筆詩先就幸不爲文誚酒狂

送包樞臣出守岳州

南紀分猷出牧雄塞帷河嶽畫圖中莫言投外如遷客到
日稱循有次公農事千村青稻雨漁歌幾處白蘋風郡樓
臨眺堪行樂前哲風流自可同

其二

年年客裏傍同人詩酒爲歡不記春此去虛勞懸榻待將

離莫厭舉杯頻正逢西漢思良守不到長沙異逐臣預恐
徵黃重會面吾衰痛飲已逡巡

黃燮侯儀部寓齋雅集

折簡同人集當杯一酒狂徵歌聊顧曲角勝且逢塲歸路
西山月寒門午夜霜明朝謝賓客高卧已斜陽

許道潤進士寓齋泥飲

不辭老作燕山客詩酒憑陵興未衰天末封書思舊好座
中傾蓋卽新知醉人謬誤猶三讓酒政森嚴彼一時倒著
接離歸路遠眼花愁殺習家池

龔升璐招飲座有紀伯紫黃原虛令姪彥吉卽次前

一日彥吉壽升璐元韻

賓主延三雅乾坤小一壺客中亦投轄生日本懸弧饌欲
求龍鮓人應愛狗屠酒狂淹歲月歸思滿江湖

其二

河漢吾驚怖君才未有涯九苞人似鳳八士季名騶投分

真蘭臭因聲憶棣華

升璐爲吾友仲
震從弟故云

論詩罇酒後醉影燭

光斜

其三

合志賢俱聚忘形禮不繁何知游輦轂只似在丘樊酒
德還須頌交情且莫論報章思鄭陸命侶一翩翩

其四

有美林依竹能文思湧泉吟成四韻險逢作一家偏爲壽
題詩版畱賓送酒船那堪高會夕徒步五陵烟

與同人飲伯紫先醉告歸詩以嘲之

紀叟豪無敵歸鞍倒接離與君同飲罷愁殺獨醒時

除夕述懷

秉燭將除夕飄蓬漸老人茲年成獨旅守歲向新晨聞寂
棲寒邸綢繆鮮德鄰妻孥寧忍棄兄弟本來親石炭爐中
煖松醪讐裏醇不眠支瘦骨罷飲怯孤身鄉國三千里年
華五十春遠遊仍汗漫生計益酸辛同氣饑寒哭先靈暴

露噴無貲堪卒歲卜葬俟何辰岑鼎言今重兼金餽故頻
青錢猶乞友濁酒更畱賓客裏金如粟炊來桂作薪天平
桑戶活命也子淵貧百鎰今朝盡空囊異日顰已知多謬
誤一往自因循非或來年悟生嗟晚節屯應須焚筆研空
復比簪紳自簪持忠信由來愛隱淪詩書羞賤士幹止失
頑民不忘填溝壑何當附要津德衰歌鳳鳥道喪泣麒麟
百感中宵集三辛獻歲新吟詩遲明發旅館倍傷神

稽留山人集目錄

第十七卷

敝帚集

詩九十七首

庚戌元日 聞陸大景宣披緇遊方有感 上元前

三日敬哉先生招飲以詩酌酒相屬率然有和 訓

蘭溪祝子堅元日投贈之作 雪霽道上望西山口

占 訓張廣平 贈曾庭聞南征歌 答沈敬修

韓英其來燕山知固庵墓事既竣闕養母之資遠遊

干謁賴龔宗伯始能言歸於其行詩以送之 送孫

生旋藁城兼呈尊公丹扶明府 送隨州王山長下

第歸里 壽廣陵冒辟疆先生 庚戌中春舍弟挾

槐兒至邸舍述感五首時欲取老妻將子女來燕計未決 程農部招集慈仁寺松下奉次元韻 次廣

陵女子秦影孃店壁元韻即數其體 送沈雲中視

學粵東 牧吉弟捷辛丑南宮今年始來對策釋褐

旋里有贈 賀徐原一探花及第 哀柴虎臣處士

哀吳南和錦雯 四月朔俞彙嘉王子可楚林劉

岸先象升邀同子開先生淇上老友舍弟康侯兒曾

槐豐臺看花小憇王宗伯園亭醉賦 送盧西寧太

史假旋 寄懷生一分憲移駐通州 送錢葆勳內

翰請假旋里 寓舍盆中榴樹雨後新藥蓓蕾顧而

樂之輒成十八韻 潘新彈母李太君八袞壽 送

祝子堅先生南征 送徐敬庵侍御巡鹺兩淮 淇

上廷試後南歸時祚明亦有山左之行枉詩見贈率

然奉和 送故友俞雲君子掌天歸里 袁大中丞

出撫山左招余從行初秋抵濟南追賦紀事即簡呈

六完先生暨邸中二三知己兼示舍弟康侯兒曾槐

八首 將之山左芝麓先生以詩寵行仍用辛丑歲

祚明南歸留別四詩元韻到濟再疊前韻却寄 追

訓朱五全古贈別之作 追訓嚴存菴太史贈別三

首 追訓沈繹堂副憲贈別之作兼聞承恩還秩志

喜 追訓錢葆勳內翰贈別四首 追訓張士至孝
廉贈別之作 將之濟南張子廣平寓言辱教不忘
于心幕齋秋夜賦寄 淇上母高太君七旬初度寄
祝 署齋和張子振 中秋對月不寐漫成 和張
子振偕陸左城袁楚白園林散步之作 八月左城
至歷下九月朔值初度長歌爲壽 九月五日謝朏
則初度 和張子振九日署齋卽席之作 薄暮偕
子振行園臨流憇息復示一章再和 哭振音胡子
六十韻 十月八日和子振晚步西園 聞子開先
生已歸有懷 冬日感懷 大雪後和張子振 和

陸大生雪夜之作 和張子振雪後看山 再和張
子振雪中懷歸之作 庚戌除夕

稽留山人集第十七卷

庚戌

詩九十七首

武水陳祚明肩倩氏著

庚戌元日

曆改歸餘月辰逢獻歲初始和今代吉聊度旅人居客久
依僮僕朋來問里閭出門投刺畢獨對半牀書

其二

長安曾不樂旅舍豈知春老逼新增歲貧憎久客身啼饑
書告急作苦賦勞神活計文難賣開函淚濕巾

其三

千古湘江淚年年哭大兄沉淵時獨否生嶽歲惟庚六十

纔中壽春秋奠兩楹九原不可作視曆倍傷情

其四

無聞鄰五十故態老偏狂愒日生何補憂貧道屢妨定不
也歸人白首能幾歲青陽不朽先儒業名山著述藏

聞陸大景宣披緇游方有感

不分斯人去孤雲獨往心藥瓢今併棄詩版故須尋跨鶴
青天起聽猿翠嶂吟若爲能忘世漠漠向長林

其二

大陸名爭識由來壓彼都人倫寰海失僧貌石崖枯片月
蒲團照諸天錫杖扶何時尋絕壑披草遇荒塗

其三

緇服吾皆仰傳衣踞法堂飄然擔笠去率爾渡蘆長花葉
分門異藤蘿面壁忘古人霄漢意已欲邁諸方

其四

此事終須了迷途未許歸髮留今校短脇坐老應非遂往
猶疑後初心或竟違望雲遙作禮有待叩禪扉

上元前三日敬哉先生招飲以詩酌酒相屬率然有

和

年年公讌侍芳晨高館張燈又一春暮齒可堪克上客久
要長許暱元臣照人火樹愁看鬢怡老香醪彊入脣屬酒

更聞投絕唱未嫌他日吐華茵

訓蘭溪祝子堅元日投贈之作

白頭衰疾此淹留遙羨江山老一丘偶會始驚逾七十相
離不記幾春秋金聲自可歌商頌玉貌何當賦遠遊起色
已憑枚叟筆刀圭上藥許重投

雪霽道上望西山口占

垂老塗泥紫陌間寒雲漠漠望鄉關出門朗詠崆峒句
馬上城頭見雪山

訓張廣平 有序

廣平爲仁菴和尚長公令弟辭奇近復披緇高蹈
以八口屬累兄澹給無貲遠遊餬口借鄒寧儼孝

廉來都感其見贈之章
竊有同悲率然奉報

從垂雙足未忘情慘澹論交爾弟兄竟去天親仍樹宿獨
畱無著事巖耕自開里塾棲窮巷偶傍公車走上京客
裏何堪悲落魄人間未許學無生

其二

爲客飄零十載餘一廛自儻食無魚誰歟肯下南州榻久
矣思歸栗里居賣賦多君才未易謀生似我計何疎方袍
圓頂真須羨一鉢千山恣所如

贈會庭聞南征歌

攜李陳恂好結客昔從先兄赴賓席少年公子躍馬來四

座人人皆辟易目如巖電氣如虹驚江倒峽譚何雄不倚
高堂有貴勢九經三史羅胸中與人落落少所可天下悠
悠豈知我謔浪怒罵皆任真滑稽不窮類炙輠我始見君
但塞默稍一嘗之嗜君直衆人相媚暗相嗔且復邀君好
顏色是時我齒於君少各負盛年喜同調劉琨祖逖何如
人丈夫未肯安屠釣風塵一起事全非自分終身老布衣
落魄曾爲人所美遠遊只爲食恆饑君更兵間逃百死章
貢孤城血如水生靈百萬一朝屠事急潛身竄獄底狴犴
纍囚翻縱遣家門破碎空啼眼間關萬里
秦川解
入賓興選公車挾策到長安狹巷相逢灑血看舊日風流

如作夢餘生坎壈尚求官每值三春書一上短衣箭箠輕
來往飽經敗北不知休可憐制淚開金榜西塞南州家兩
地未有墻東堪引避我久畱茲數見君各已衰年負初志
今年卷牘又誤書禮部未放先脂車人生患難閱歷苦一
日似度兩日餘爾我五十卽百歲夜行不止將何如君今
別我南走吳此行不擬歸敝廬盡散黃金賣愛妾削髮欲
覓山中居有子尚能養祖母有孫皆令把短鋤未死且須
識本性萬事一一歸空虛深谷無人色相絕獨自迴向心
地初此願倘遂劇可喜莫復首鼠多躊躇自古英雄竟安
在九京憑弔長歎歎壯哉此意人不及不論果不真起予

送君路衢攬君祛如君信是大丈夫我獨何爲仍曳裾治
生況復謀皆左聞道何時計太疎

答沈敬修尊大人冠東先生作令容城望於文網敬修匍匐燕山欲效緹縈之誼不惜屈己執

弟子禮於僕又贈詩一章媿其殷勤謝不敢居聊答詩以見意

淺植慚良材周行昧通軌微尚一以違下流逐波靡箕裘
失經術細帙疎文史鞏悅何足華霧會乖渺旨美哉挺竹
箭藉甚維桑梓卷懷諒有素荷衣薄青紫粵嶺後庭趨巖
邑驚軍壘批根望吏議銷骨叢衆毀明明仰照臨慘慘哀
離裏重趼走鳴冤泣血投朱邸九閭殊高遼磨牙忌申
理莫畱莊生金孰約魯連矢濡遲埃覆讞蒙貿延修晷書

爲緹縈修業微夏候比薄劣虛執經傾寫頻倒屣所期空
貫索無然訴銅匱飛鳥返炎方荷蓀從武水篤行知爾賢
下問忘我鄙得師在六經可怨惟四始因聲勗明發三復
思宛彼

韓英其來燕山知固菴葬事旣竣闕養母之資遠遊

干謁賴龔宗伯始能言歸於其行詩以送之

狹邪握手立斜曛負土纔知築父墳失讀遺書能竭力敢
辭負米愛勞筋下車垂涕終何補吹笛傷心不忍聞幸有
春卿能感舊不教畱滯哭秦雲

送孫生旋藁城兼呈尊公丹扶明府

不見興公近五年諸孫大盛喜君賢戴星堂上琴仍抱愛
日庭前賦已傳虛負微心高座側有時斷臂石巖邊送歸
詩禮親承日爲道風塵意惘然

送隨州王山長下第歸里

十上公車策不收鄭虔垂老怕台州未堪馬隊譚經賤竟
謝人間採藥休廬阜深雲依白社麻源暗谷訪丹丘將離
預恐前期絕縱會無如此別愁

壽廣陵冒辟疆先生

蕪城花柳若爲春舉案從容漉酒晨圯下虛傳黃石略溪
頭看捲渭川綸見推京洛今才子莫問甘陵舊黨人便

欲攜家鹿門住桑間共語接芳鄰

庚戌中春舍弟挾槐兒至邸舍述感五首時欲取老
妻將子女來燕計未決

跋涉將吾子風塵向北來
蹙時非獨旅異國莫深哀
難得依同氣誰能譙不才
老夫宜踴躍應信未虺隤

其二

燕吳去住隔叔仲各分身
惟季頻來往東西南北人
比兒隨遠涉省父見天親
舐犢吾何愛離鴻轉愴神

其三

此生真未卜聚首待吾歸
蕩析分支計遲疑共夔違
兒來

傳母病兄老欲疇依況復憐宗子離居益苦饑

其四

弟到終須別兒今未可留豈宜家此地那得聚杭州見益
愁漂泊情知厭遠遊無心問詩禮吾已失箕裘

其五

本爲全家出誠卽獨客孤經營疎久計省慰易長途無箸
人何析非庭子蹙趨欲將愁破盡惟有賦歸歟

程農部招集慈仁寺松下奉次元韻

席布黃金界輿穿翠靄中百壺攜桂酒雙樹坐松風春惜
芳菲盡人欣少長同更援題柱筆光奪燭花紅

次廣陵女子秦影孃店壁元韻卽教其體

遼海崇關驛路斜被驅悲甚女辭家生輕妾命孤雲薄愁
重鄉心疊嶺遮未死已同霜後葉經春惟有雪如花四絃
抱得分明語推手爲琵琶却手琵琶

其二

關門一出永無歸凍髮梳殘髻影稀化石不容岡上立行
雲驅向峽中飛誤人顏色嗔臨鏡上馬傳催嬾著衣死便
當埋何處塚情知不及漢明妃

送沈雲中視學粵東

疇昔試花封省解資分校論文擇雅馴得士皆英妙馬班

史筆優卓魯仁風肖珥筆或蘭臺謀謨佐廊廟爰及晉舍
香司衡奉 明詔挾策萃諸生賓興首京兆孤寒盡甄收
醇正崇高調始知文乃在其光容必照採風初特簡八閩
臨海嶠忽慟菴莪詩遂尼南征棹輪軒仍拜命東粵之炎
徼採珠合浦深剖璞崇山峭風聲列國最文教今時劭進
賢蒙上賞升卿待徵召度嶺見梅花朗吟一凝眺

牧吉第捷辛丑南宮今年始來對策釋褐旋里有贈
南宮十載題名後釋褐初來對 大廷見種梧桐方拳拳
卽看玉筍尚亭亭 彤墀射策升高第華館儲材失妙齡
捧檄何堪仍待次歸途春草似袍青

賀徐原一探花及第

原一仲弟彥和己酉孝廉季第立齋己亥狀元

十年大宋始成名復聽臚傳上第榮探得宮花齡正妙吟
將池草夢還生差肩鳳閣寧慚弟燒尾龍門未讓兄直恐
火攻餘仲智比方合璧競連城

哀柴虎臣處士

籍甚才無敵傷哉遇不辰壯年辭學校生代定君臣醫得
青囊秘詩援綵筆新竟無中壽及寂寞謝時人

其二

原憲誠非病揚雄實愛奇四聲讐古韻五字練新詩仰屋
山妻笑藏舟石友悲著書誰解讀名位薄生時

其三

疇昔行吟地東城委巷間學詩吾變雅求志爾真頑宿草
悲殊域飄蓬失故山白頭思往事落月涕潺湲

哀吳南和錦雯

俛仰隨今日飛騰念昔時一行爲吏苦百里小官卑飲水
清難及尋山去已遲玉棺棲葉縣雙鳥竟安之

其二

已應_知宦拙長日怨田荒哭子亡詩禮畱妻奠酒漿歸魂
迷粟里遺愛記桐鄉獨有麻衣友扶輦驛路長

孫宇台爲扶柩南歸

故云

其三

久要無念昔近喜接君書燕趙嗟殊軌溪山訂卜居人亡
琴併輟宦薄橐何如漂泊吾歸晚傷心宿草疎

四月朔俞彙嘉王子可楚林劉岸先象升邀同子胤
先生淇上老友舍弟康侯兒曾槐豐臺看花小憇

王宗伯園亭醉賦

相逢燕市悲歌侶去覓豐臺爛熳花喜從生徒吾有黨新
來骨肉客如家長鞦韆短轡隨馳驟方俎員壺挈旨嘉出郭
正持陳寔杖看山徐引邵雍車綠尊斲許開朱閣繡野偏
宜設絳紗鬪色矜香熏暖日攢紅間紫絢明霞鄰園越陌

尋俱遍後騎迷津問莫差但折數枝堪把翫從圍萬朶故
周遮人今坐此知誰有風乍翻迴向我斜百榼千鍾應彊
飲七賢八達不須誇古來名士爲黃土日暮悲風捲白沙
何處鄉山休引領醉眠芳草忘天涯

送盧西寧太史假旋

侍臣移疾去金華高臥無耽鄭谷霞 關下雙魚思曳珮
橋邊駟馬且停車瀕行會賜金莖露入直仍攜彩筆花朱
邸如憐畱滯客並河一爲問貧家

寄懷生一分憲移駐通州

盧龍節使舊東征近駐扶風左輔城畿甸迴車千陌麗關
河露冕八川平篋攜中誥如絲筆庭樹崇牙插羽旌可念
京華獨畱滯時時取酒餉狂生

送錢葆勳內翰請假旋里

有美金閨彥清卿積慶長一時推麗藻未是薦長楊海上
思鷗鳥池邊起鳳凰稍寬五日假寧許戀江鄉

其二

同學多高步斯文失細論寸心爲爾折異代信吾言官制
輕華省鄉愁切故園長卿游欲倦給札未承恩

其三

邸舍居雖近過從迹已疎傳觀矜隻字失喜讀奇書班管

生花筆青門折柳車細吟浮笠澤羨爾食鱸魚

其四

乞詩忘我拙擲卷畏君看此事今人易高名薄宦難有書
堪再上挾劍恥三彈慷慨題橋日遙憐下客寒

寓舍盆中榴樹雨後新藥蓓蕾顧而樂之輒成十八

韻

市喧門幸閉庭隘宇徧幽蒼蔚思山木菁英樹海榴小盆
根淺植近檻日平收赤僅孤花豔青宜密葉稠稍看依砌
活不俟鑿空求潤澤欣逢雨離披畏及秋敢期朱實鞞或
有翠莖抽屋角朝暎射墻陰曉露流晨興聊徙倚風至乍

蕭颺故萼幡幡墜新萸宛宛修尋常窺葉底三五露枝頭
欲迸芽初坼方含藥尚柔攢羅萌不已次第放須周丹的
頰霞吐朱顏絳雪浮一簾人淡淡九夏日悠悠甃可披襟
立應須得酒酬紅裙誰妬忌白袷信淹畱何日鄉園種霏
微繞一丘

潘新彈母李太君八袞壽

昔我十八九東城讀書處修竹映小窻低眉事章句令子
方垂髻英才美無度投分臭若蘭朋來喜良晤燈青書帷
下書永研席布非惟研經義亦或擬詩賦卓犖論古今披
豁見真素悠悠世上兒白眼不一顧高堂各具慶餽粥無

不具何知有生計曾不嫺世務亦佩母德賢椎髻自操作
舉案對高賢斷葱教童孺我自痛流離放廢疾已錮謀食
何艱辛計齒就衰暮茱萸媿匪我飄飄逐飛絮吾母欣壽
康春榮在護樹堂下綵衣人賓興騁先路文豈謝班揚名
今推俊顧今年上書歸稱觴旨酒飲八旬神明勝三徑輪
鞅聚莫嗟袒褐貧且喜朱顏駐有孫亦能文西雍策高步
一經再世傳豈謂儒衣誤他時見捧檄迎養潘輿赴首看
笄珈矐身若金石固所嗟客子遠登堂獨不與感舊爲此
詩頌言意不敘

送祝子堅先生南征

溪邊七十躬耕叟能文壯歲知名久省試何曾遇有司說
經徃徃推祭酒架上虛編學士蒲門前已種先生柳垂老
方書繫在肘長日丹黃不去手與人掇皮皆任真萬事隳
心惟掉首祚也五旬頭髮白弱齡把臂呼小友黃金臺畔
乍相逢契濶綢繆意良厚向人道我許我賢媿我虛聲鳴
瓦缶百短曾無一寸長千秋不擬三不朽何意偏能嗜鮑
魚終然未敢矜敝帚神僊中人老更健不肯鑿坏營五畝
氷雪已作燕山游炎蒸重指閩山走臨岐惜別心遲迴木
李方投報瓊玖何時荷蓀返田間歌罷陽關啼掩口

送徐敬菴侍御巡鹺兩淮

烏署封章起直聲巡鹺特簡繡衣行見愁民力東南敞此
去官廉淮海清雨後平山飛蓋緩花時邗水畫船輕飄零
不得隨登眺叢桂秋風望月明

淇上廷試後南歸時祚明亦有山左之行枉詩見贈
率然奉和

古人矜守己所志一何曠吁嗟不自得與世隨俛仰乞食
亦已憊壟斷左右望淹留不顧歸汗漫迷所向君老始就
徵經術祭酒行廣文官苦冷稽古力豈償停年檄未捧還
鄉舟始放我爲幕府客十二齊城壯迫促發百函矜莊習
三讓兩峰跂盍歸二老饑莫養贈句向慘悽臨岐憐骯髒
宿昔同人懷特立君子尚聚散猶可遣通蔽何屢妨

送故友俞雲君子掌天歸里

里中同學蕭條盡未易如君肯象賢負笈遠游聊入洛帶
經歸去且鉏田淒風晦雨思當日擊水垂雲惜盛年暗裏
隋珠誰賞識將詩莫漫向人傳

袁大中丞出撫山左招余從行初秋抵濟南追賦紀
事卽簡呈六完先生暨邸中二三知己兼示舍弟

康侯兒曾槐八首

不作還山計何心戀彼都一時乘興出千里傍人趨桐葉
珪何重芙蓉幕豈殊平生信疎拙未是阮元瑜

其二

狹巷鳴鐘宅相過盡主人到門無憚數分俸不言貧抗手
居然別知心自有真馬蹄驅向北或未待開春

其三

海岱雄藩壯山河開府尊布衣隨節鉞畫鼓靜轅門傾蓋
誠非故投珠不易論食魚同上客莫忘孟嘗恩

其四

競說元公美由來愛士偏殷勤交禮幣容易著征鞭判事
何曾習微名本浪傳謀謨珠履集迂濶媿羣賢

其五

此日蕭條盡泱泱大國風旗竿危欲起杼柚信其空物望
歸郇伯吾賢豈蓋公一樽談道德不可古人同

其六

鄙賤親文藝纖卑乞稻梁官齋紅日送鄉國白雲長鈴閣
趨風緩旌門似水涼虛勞酬束帛實欲理輕裝

其七

逆旅京華路翻餘骨肉畱飄零仲智泣嬾惰阿舒愁盍
不饑同樂嗟來食互謀終尋夷叔誼高臥首山丘

其八

燕客今南下齊中近越中定宜孤杖去急趁便帆風羞澀

嗟空橐翻迴任斷蓬白頭殘歲短干謁幾時工

將之山左芝麓先生以詩寵行仍用辛丑歲祚明南

歸畱別四詩元韻到濟再疊前韻却寄

灞橋回首復淒淒不及當年返釣溪後乘依人車已駕新
詩好我卷重攜陪游才子長畱鄴屬和已人遠適齊老去
何堪克記室飄零岐路向全迷

其二

芙蓉幕裏盛連裾載筆清池賦躍魚爲客孤身羞士賤投
人千里分交疎涼風蕭瑟三秋候落月徘徊五夜餘遙想
慈仁松下飲卽今左席爲誰虛

其三

青社分茅寄不輕高名濟水似人清地荒何以供羣客秩
貴由來視六卿下士無能虛館穀古人肆志只巖耕燕中
憶傍鳴鐘食齊國真須接浙行

其四

莫擬扁舟問五湖茅田一項未全蕪傳人自信文真在正
己從知德不孤觴詠何妨依魏闕簿書無暇賦齊都晨朝
且食魚殮美不異滄江八月鱸

追訓朱五全古贈別之作

緬懷鳳山里少長羣賢聚雅尚性各敦盛名人所慕談讌

良忘形夢寐亦同趣齒序君逾壯弟畜我方孺末座一悲
歌四筵每迴顧青雲思致身競爽騁高步亂離已云瘼生
死慘異路黯淡畱晨星涕淚惜朝露西溪繞北山荒塗避
兵處策杖三里紆覓徑萬竹互烹魚貫村酒晨夕有良晤
各嘆流年積已矣逝川去粵游似轉蓬楚客亦飛絮垂老
志四方傷哉廓不遇我如轅下駒局趣鄉園駐先後各入
燕謀食緇衣浣臯北方說經著書獨閉戶當年黃口兒彩
筆嫻詞賦嚴卿宦已逢石徑臥烟霧章生晚始貢彤庭試
章句我已髡髮蒼失路饑所驅入市聊擊筑班荆休道故
死灰變心顏倒行哀日暮翻然走歷下一騎隨鹵簿老驥

歎一鳴離鴻肅分度此哀邈今昔銜恨不可訴悵望坐官
齋感徃纏百慮鹿門倘可還共話倚桑樹

追訓嚴存菴太史贈別三首

越客遊燕又適齊看泉歷下憶清溪相思最是陽關曲三
疊新聲太史題

其二

鸞坡散直啓華筵斗酒看君賦百篇腸斷河梁還錄別秋
風垂柳灞橋烟

其三

泱泱海岱攬雄風先後聲名二阮同我到更尋碑版讀白

雲樓上水聲中

存菴與賢叔穎亭先後典試山左趵突泉上皆畱詩刻石

追訓沈繹堂副憲贈別之作兼聞承恩還秩志喜

馬首征人惜別初長安遷客怨離居投荒賈誼知何郡記
室陳琳且後車走檄濡毫成不易受釐前席對誰如外臺
執法雖還秩未遣承明直漢廬

其二

歷下長瞻北地雲罇前泛愛每論文陽春高調誰能和斜
日前津不忍分司馬官資三謫枉換鷺書法九重聞春
明預恐輶車發及到燕山轉憶君

追訓錢葆勳內翰贈別四首

未送滄江楫翻治歷下裝同時辭冀關交贈詠河梁貫酒
勞相勸論詩不可忘離情吾倍切此去是他鄉

其二

秋水葦城路題橋司馬歸奚囊探賜劄宮錦作去斑衣
畫鷁三江濶霜鱸九月肥相思臨濟上歷亂涌泉飛

其三

風雅何人識君才八斗多定文心獨許同臭好誰過轍迹
分燕市羈棲對濟河鄒枚吾不擬實恐媿羊何

其四

老去隨征幕空違湖海心衰孱疎服食幽閉失登臨隔歲

仍搖珮何時喜盍簪新詩能與讀或可附知音

追訓張士至孝廉贈別之作

三十五年前孝廉凍梨兩頰垂白髯隨人公車戴一笠不
向南畝攜長鎌風塵汚人天地窄南北東西何所適送我
之齊詩一篇篇終且笑田橫客青齊七十有二城并包鄒
魯常用兵卽今習俗更夸詐何時天下真昇平我來簿書
堆凡案從昏披閱至夜半聖人皆言東海枯夫君莫怨南
山燦

將之濟南張子廣平寓言辱教不忘於心幕齋秋夜

賦寄

真慚垂老披猖態多謝將離藥石言尚狎優伶霑酒碧頻
呼臬雉睨燈昏得金莫漫輕千鎰抱讐何時老一園月出
秋衾時汗背不關賦別獨銷魂

淇上母高太君七旬初度寄祝

子今年五十捧觴壽慈親廣文一命卑亦得紆朝紳干進
非他塗明經能致身疇昔教詩書斷機良苦辛有齋相國
家相攸歸令人乃生期肯構所習嚴卜鄰作賦或誇齊著
論亦過秦挾策不售時行歌惟負薪弟子具束脯江間獲
鮮鱗行看苜蓿盤菘韭方員陳青袍羈綵衣戲跌無乃真
署齋和張子振

飄零入幕始逢君自下重關獨不羣本是餐霞嵇叔夜何
堪多病沈休文微吟客館悲秋氣遠望鄉山送暮雲我亦
徉狂聊混俗驚心苦調得纔聞

中秋對月不寐漫成

漏永雲初斂庭空月漸多獨宜明雪髻幸不怨霜娥積玉
堆華頂縱金迸濟河徘徊清夜迴勝賞客中過

其二

妙選芙蓉幕諸君不可儔同游慚下客能值幾中秋開府
觀風出閒階遲月畱無人翫清景渾不似南樓

其三

勝集燕山憶年年愛此宵每尋松樹飲恨少桂花飄失計
攜長鋏何如掛一瓢清光憐獨對顧影媿由巢

其四

慘慘懷兄弟茫茫度歲時離情雲易散瘦影月俱隨璫署
催刁斗礮溪憶釣絲棲鳥無遽起美爾得安枝

和張子振偕陸左城袁楚白園林散步之作

跳珠窺石井如練挹溪流暇卽呼朋往朝來十度游巡園
行靜者閉戶起新謳曲裏湯湯意知音不可求

八月左城至歷下九月朔值初度長歌爲壽

昔年送君赴滇池灞橋柳鞞風如絲炎埃萬里一鞭去嘉

賓賢主良相宜中丞兼領司空秩安輯獠苗保釐畢已見
銘庸在鼎鐘復聞愛士如膠漆今年擁節來山東幕府從
征我亦同老嬾何堪爲上客從容且得接羣公歷下山川
古名勝官齋不淺南樓興屋外峰遮雲自生階前水迸波
無定座中名士天下才詞賦一一凌鄒枚相聚莫嫌相識
晚故人俄自故鄉來主人念君不置口得君如得左右手
況我定交如骨肉與君兄弟稱良友園林暝色聽泉行稍
時觚稜涼月明小堂布席酒一勸幽窓刻燭詩初成豈異
西湖湖上樂畫舫紅亭對栢酌人生失路莫咨嗟客裏同
心乍歡謔君年已是三十餘出門未駕駟馬車有才且欲
爭命逢不知初度辰何如今宵爲壽且強飲醉後何妨曲
肱枕功名富貴姑俟之意氣才華真藉甚君家兄弟不可
當馬氏五常無不良忠臣已騎天上宿高士復是法中王
惟有三兄老韋布獨行高文人所慕不能避世入深山窮
也何如君子固如我與君多苦辛風塵趨走長依人不才
放廢無足數晚成大器還沉淪爲君且說朱買臣四十九
年猶負薪無然戚戚憂賤貧

九月五日謝柔則初度

謝與余
同庚

我生四十有八年面目黧黑鬚皤然此身已分成老醜百
事付與滄浪天謝君偉人軀幹直虬髯如漆人中僊吐言

琅琅出金石氣射四座神俱全豈知長我五十日同一甲
子生較先自昔至今始識面相好不覺情纏綿俱是悠悠
傍人者征車入幕來翩翩開府青齊大風處故鄉吳越浮
雲邊君才旣大心更小論事曲折通經權博聞多識無不
解守己用默藏重淵書法獨窺晉人秘詩體復在大曆前
爲人掇皮無一假茗柯實理王藍田不求聞達聊玩世世
有幾人知爾賢風塵奔走豈稱意曷不築室山中眠始興
山川頗秀發君家康樂畱詩篇激流植援無不可他時相
訪羣峰巔

和張子振九日署齋卽席之作

瓊院閑庭度此辰黃花濁酒異鄉人見愁瓠子隄須塞共
擬芙蓉幕可真卽席吟成難鬪捷挈舟歸去不辭貧登高
望遠身無翼不見吳門淚濕巾

時河決牛市屯元倡有
聞說大河遷故道之句

薄暮偕子振行園臨流憇息復示一章再和

無分登山虛令節相攜披草覓荒途竟非高會科頭信及
到臨流洗耳無淡淡花前杯併輟陰陰柳外屐同扶高臺
戲馬誰能從吟和偏宜據槁梧

哭振音胡子六十韻

吾友如何歿斯人不可無北南書併報生死路今殊梁棟
堪時用家門賴爾扶秋風蘭竟敗幽壑桂仍枯粵自逢今

代時乎用大儒夜歸燈色引晨直珮聲趨言味晶鹽旨陽
回藥石蘇攝官隨事辦卜相不時需 國爾私皆忘臣哉
力已劬分憂資第第習禮是夫夫父母承無間公卿事亦
俱客來通彼我祿入計錙銖出內紛能理經權斷不愚一
身兼主伯千指馭僮奴先意窺同體因心佐碩膚鏡何疲
屢照馭未騁長驅練逢匡時略威儀進德隅嘉賓方鼓瑟
難弟共聯珠盛滿徵欹器陰陽委大鑪高危誠早識謙益
竟全誣冥漠歸元老滄浪顧藐孤客從梁苑散田是瘠丘
蕪意氣錢刀薄矜持尺幅拘維繫身獨耻銘鼎口焉餽玉
藥盛空睨驪裘解一沽券誰焚市義臺擬築逃逋析羽桓

山鳥分飛秦氏烏慈親依邸舍夫子獨江湖陟岵瞻無已
還周葬未孚杖持疎侍從案舉失歡娛定省兼難得離憂
判可吁終然成疾疢曾莫效醫巫臂幸無勞搯心焉莽欲
剗旋宜飄素紉早擬奠黃墟將帑輻車側浮舟水驛途傾
囊償左契引殯出交衢高做營伊始倉皇變不圖神傷何
太劇誅苦竟同徂烈烈風頻發悽悽露已濡土花澆血淚
墨色爍形軀斬板纜封鬣鐫碑亦置跌寧神安地脈念嫂
隔天隅季子行當徃離言日漸晡各餘身慘澹且共立斯
須子子招精魅冥冥中短狐膏肓因滅性卑濕況侵膚四
十何曾得彭殤命也夫聚蠅如赴弔循塵自哀呼昔日昌

時瑞青雲國士徒淵奇爭敏慧臯禹足謀謨劒氣嗟埋獄
文心試練都縱橫開筆陣博雅擁書厨有夢生春草無時
據槁梧窮愁失著述生計讓屠酤晚節高人意深悲濁俗
污遂思尋碧嶂相傍啓圭窬擺脫人間世依棲子與吾論
交同秉燭命酒一提壺逝者誰能贖由來願已辜白頭空
健在老淚暗模糊

十月八日和張子振晚步西園

幕中戶鍵連帷影墻外溪環聽水聲之子有懷濠上樂無
人獨傍樹邊行殘花已勒秋霜槁疊嶂應銜晚照明久廢
扶筇非老嬾看山怕起故鄉情

聞子淵先生已歸有懷

聞君南向潞河湄安穩行人破冢悲遼鶴翻迴明月下塞
鴻偏犯朔風吹賓朋解橐誰交贈妻子牽裳轉益饑七十
殘年關外客一樽能不更同持

冬日感懷

百悔何能贖嗟來幕府人何堪知案牘終日學商申煨煉
增寃鬼模糊懟獄神小窻風雪夜暗燭似青燐

其二

畫諾函頻發爰書筆儘操字形看鳳尾法律用牛毛旬月
催期會寒風引夜號平生羞管晏何代有蘇臯

其三

堆案情辭雜濡毫出入分外臺疎讞法比部嗜文斷獄
引經誤焚膏繼晷勤驚心疑六月霜雪白紛紛

其四

序駛秋冬易囚承二十多半疑無死法實恐失天和聽斷
吾權格程期吏議苛遲迴把丹筆老淚灑金波

其五

由來耻刀筆尚想畫衣冠口不言刑鼎身宜把釣竿一來
輕殺戮聊取濟饑寒長揖辭公府開春跨去鞍

大雪後和張子振

入冬幾見霏微雪此日深遮鴛瓦明未許
斲窺遙岫色時聞密灑小窓聲映來案牘勤何益夢到舟船去不成
方壁圓珪隨寓目梁園賦客若爲情

和陸大生雪夜之作

別院深宵隔同雲朔氣嚴更長崇灑砌風颭濕開簾扶屐
埋皸趾吟詩撚凍髯無將飛絮擬積疊正如鹽

和張子振雪後看山

連朝屋底想山光相率乘閒赴射堂沒踝初尋人跡少迎
眸忽見地形長北風栗烈搖溪樹南嶺巒岈出苑墻倘許
扶筇凌絕頂川原極目總他鄉

再和張子振雪中懷歸之作

河干瀟灑有貧家思發應先六出花草舍從飄三徑絕剡
溪如泛一舟斜馬毛可禦羈棲失牛目偏遮道路賒歸興
虛彈長鋏和北風攜手負同車

庚戌除夕

公府棲遲歲又除殊方羸老曳長裾多慚王儉清華幕豈
有枚臯敏捷書却餽四知清不易報成三月政何如菲才
涓滴誠無益伏臘空嘗幸舍魚

